

兩朝憲章錄

四

西華志序

四

兩朝憲章錄十二卷

汝寧府光州儒學訓導臣吳瑞登編述

嘉靖二十五年甲午春正月己未朔上親行拜天禮于
玄極殿出御奉天殿文武群臣及四夷朝使行慶賀禮

癸亥群臣上表賀天旦雪上報曰履端仰荷天眷瑞雪

應積朕心感荷覽奏已知丙戌覆總督張珩等奏得旨

甘肅自經土魯番戕害哈密以來藩籬寢廢邊臣歷年經
畧西事迄無成功赤斤等地方日益削弱回夷占住甘肅
生息日蕃貽患甚深馬黑麻速壇踵襲父兄舊惡包藏禍
心今又結婚瓦剌陰據哈密占種沙州土田意在內侵且

因謀洩遂爾投降原非本意姑且俯順其情容其入貢其
求討地方住牧欲照牙木蘭事例安插俱不准行 二月
丙申總督宣大翁萬達奏吉囊子住牧河西俺荅阿不孩
引兵渡河乞如例調發客兵其河南山東民兵無益于用
獨可調山東長槍手三千兵部言前年戰黃土溝虜既南
下而北走去年戰陽和川虜亦深入而宵遁多客兵之力
若山東長槍手河南毛葫蘆本非民間常徭為其長于用
槍善于走山所司顧募以資保障第每省至六千名不無
充以老弱而議者遂以為無益耳今宜量減務取精壯者
每省各三千人以一都司領之取便住劄候警赴援仍調

延綏遊兵二枝寧夏固原遼東遊兵一枝務滿三千人以
五月初旬各赴宣大軍門聽候調用上是之曰各鎮兵
馬依擬調用不得延誤河南山東原募民兵每省留三千
人委都司官訓練聽用各處有司增添起倩兵數甚多有
妨農業俱止之三月己亥謫湖廣巡按包節永戍邊衛
初承天守備太監廖斌擅作威福節至之初歆繩以法而
語先泄斌思以中之于是候節謁陵時故獻膳羞遽使
撤去而說稱節麾出之奏已發而節始奏上怒以節迺
抵歸已罪捕節拷問刑部尚書以節大不敬宜謫戍上
遂謫戍邊衛丙子致仕刑部尚書高友璣卒友璣樂清

人安重有操執不避權幸屢蹶不挫致仕家居敝廬布衣
蔬食終其身卒年六十八贈太子少保謚恭簡四月乙
未命山西巡撫曾銑以原職總督陝西三邊軍務兵部
擬上招降賞格大邊外招男子一人賞銀三兩遞加至十
五兩止幼男婦女二兩至十兩止墩邊引入一男子賞二
兩遞加至十兩止幼男婦女一兩至五兩止又議嚴禁檄
卒毋擅縱人出境毋取邊人詐為降人冒賞如議行壬
子工科給事中羅崇奎言近年以來諸臣被諭恣肆強辯
巧飾已罪反詆言者而輕排之即如戶部尚書閔楷貪婪
有聲刑科給事中萬虞愷游震得論之當也乃反讐兩人

亟告陷害至借後湖銀兩之事公為中傷之術且後湖賊
掌有人度支有額楷乃謂數不止此假手報復險亦甚矣
乞嚴加勅諭以後諸臣被論宜杜門省愆不得論辦即論
辦亦無得攻擊言者上曰然令南京都察院遣御史一
人查稽後湖銀數庶得其實五月乙丑錄死事磁州生
員王邦直子王化燭為磁州守禦所正千戶虜酋俺荅阿
不孩遣夷使保兒寨等三人投番文有白駱駝九頭白馬
九疋白牛九隻及金銀鍋各一求進貢講和自後民種田
塞內虜牧馬塞外各守信誓墩卒納之總兵家丁董寶狙
石天爵乃殺三人以首功報于是總督翁萬達上疏言董

寶扭石天爵么麼賤卒乃敢壞法貪功彼執物示信託墩
軍通款借曰不許猶當善其詞說以遣之乃誘而殺焉此
何理也寶扭滔天之罪真不容誅乞亟正法典榜之塞

上預弭其蓄怒措兵之謀即不可解臣等相度機宜按兵
待戰巡按黃如桂叅守備張潤巡撫詹榮總兵周尚文防
檢失律之罪兵部以虜黠詐未可信宜貸各官罪第令嚴
兵待之詔可六月丁亥廣西巡按馮彬以廣西之患莫
甚徭僮與其召募以防賊不若召募以勦賊據其巢耕其
土凡賊之美田肥土我兵無不願得之者因其願而令之
蔑不勝矣兵部以廣西一省徭人半之徭人三之居民二

之以區區二分之二民介蠻夷之中事難猝舉且免差役乃
土狼積習今日應募以平之者安知他日不各據其地轉
而為賊也上從部議七月辛亥致仕吏部左侍郎董
玘卒玘會稽人博學能文性峭直其為吏部主事時絕請
託鄉人多怨者後落職三年始白追謚文簡癸酉原任
吏部尚書唐龍卒龍蘭溪人性疎爽有文學經畧闕中時
民飢又有虜警大著勞績一時稱為才臣後晉吏部尚書
三疏乞休上以為稱老忘君視職為民出都門遂平後
數年子汝揖官修撰上疏明父不欺詔復原官贈少保謚
文襄然以衰暮為屬官所誤屢被譴責功名稍損云丁

丑旌表烈婦張氏。氏嘉定人。汪綬妻也。姑陸氏淫縱。惡張諫正。乃與所私執殺之。舉火焚其室。欲滅其尸而不得。至是獄成。巡按王言以聞。詔有司建祠。賜名哀貞。八月壬辰。致仕南京戶部尚書周金卒。金武進人。自正德間。歷諫垣。九年。彈劾不避權貴。都督馬昂獻既娠女弟。驟寵。金抗疏謂誅昂還其女。久之得遣。後歿。歷中外。勞績甚著。卒贈太子太保。謚襄敏。

臣按諫垣之職。總督之職。惟功在社稷。威震邊陲者。錄馬周金忠亮有素。倜儻有謀。其為諫垣也。發馬昂之姦。而其為總督也。獲黠酋之首。非所謂名臣與不。

然呂不常之計得行，玉牒紊亂，而疆圉將不靖矣。

戊戌午時，南方流星大如碗，赤色，先如斗大，起自中天，西

南行至近濁。九月壬申，都察院覆南京刑科給事中張

思誠條奏，以在外問刑衙門罔知明允，競為深刻，如殺人

驗傷互異，輒擬抵死，盜賊贓濫未明，竟坐強劫，被誣淹禁，

不曰官不蚤決也，一斃于獄，則歸咎原告，比以誣告致死，

之條積年攬役，不曰官相容隱也，一觸其怒，則搜剔隱過，

按以久戀衙門之律，擒捕私鹽者未出行，鹽地方而槩引，

越境查盤倉糧者，不論多年浥爛而槩引侵欺，上沽明察

之譽，下懷觀望之心，交相比附，誠有如思誠所言者。上

曰即行撫按嚴加綜覈并會同吏部訪察殘忍者俟大計時黜治十月戊子三邊總督曾銑劾奏僉事毛一言管理糧餉貪鄙恣肆部從不謹例罷之詔下巡按提問今後邊臣被論有干軍機錢糧者吏部勿槩擬罷職辛卯金星晝見甲午處決重囚五十人建昌侯張延齡薊遼總督胡守中俱伏誅十一月己未宣大總督翁萬達請自今有各邊妄殺歸降人冒功者如按得實不必解京許巡按秋後斬首示衆以杜姦人玩法之心報可

臣按邊方妄殺降人此一大害也夫歸降之人撫之猶恐其不來冒功之舉蔽之非所以明法嘗見殺平

民以為虜級授紉褲以為韜鈴臣切憾之况殺降以
冒功不惟絕虜人來附之心而且廢朝廷招納之意
壞法于紀甚矣先時量寶扭殺進貢保兒寨三人而
以首功報萬達已奏滔天之罪真不容誅而今復欲
斬之于邊以示衆則其除害而招携者不亦蕪至哉
乙丑謀反宗室充灼等既伏誅兵部請叙錄諸邊臣功言
大同總兵周尚文應倅有機首剪禍本宣大總督翁萬達
大同巡撫詹榮密上邊事追捕無遺功當優論宣大巡按
谷嶠給事中李文進御史趙炳然皆有鞠訊發摘之勞而
山西巡撫曾銑巡按陳豪得鄰封惡于其界中功皆次

之代王專鎮封內雖不能預察姦萌而事發之後景駭嚮
震不致他虞亦宜降璽書優獎 上從之 壬午戶部議

覆巡撫楊博所奏屯田事宜言經畧河西莫先于興復屯
田而屯政所以不舉者催徵擾之也種未入土而名以在
冊人已在逃矣請令諸邊臣召民墾辟永不徵賦其故常
徵賦而後復荒蕪者並許佃種一體蠲免詔邊臣敢有變
亂屯政者巡按叅奏處治 甲申致仕兵部左侍郎陶諧
卒諧會稽人歷事三朝剛介不撓奉公守正終始一致正
德中為給事中抗疏劾奏劉瑾擅權亂政群小嫉之以他
事矯詔廷杖褫職復搆以與大臣植黨械繫詔獄摘戍瑾

誅得釋。後總督兩廣勦平峒賊。前後擒賊以數萬計。招降亦數萬計。卒贈兵部尚書。謚莊敏。十二月庚子。三邊總督曾銑請破常格。發帑銀以築邊牆。疏下部議。銑復上言。河套可復。謂邊牆不過數十年計。而復套則萬年久遠之計。部議以築牆復套俱不易。而復套尤難。縱使能復。亦難為守。上曰。虜據河套為中國患久矣。連歲關陝橫被荼毒。今銑能倡逐虜復套之謀。本兵乃久之始覆。迄無定見何也。其令銑與邊臣悉心首議。務求長算。嗣上方畧。丙子。江西省祭官繆建賢奏。睿宗就封之日。舟過小孤山。製詩紀勝。書于神祠。臣道經其地。恭錄以獻。上命工部

製牌書勒完日仍勅巡按建碑亭貯奉建賢賞紵絲衣襲

嘉靖二十六年丁未春正月甲寅朔庚申左都御史宋

景卒景奉新人練達國體而志行剛方一時縉紳咸推重

之歷工兵吏三部尚書至今職卒于官贈太子少保謚莊

靖壬申吏部尚書周用卒于官用吳江人端亮有節操

晉掌銓曾縉紳方望其丰采乃未有所建立而卒士論惜

之丁丑山西巡撫楊守謙奏偏頭老營二所餘地千

九百餘頃堪為營田以內省京運外嚴防守且舉副使張

鎬為提督通判張應麒為總委官款久任責成其牛種皆

取自本省又擬照盜沿邊錢糧禁例以防侵盜戶部覆守

謙綜理周密、且官攝而事省、費半而利倍、若各鎮營田皆舉行如守謙、則兵食可足而帑積所省多矣、詔以實行。

二月丁酉、改工部尚書王以旂為左都御史、戊子、宣大

總督翁萬達奏、近歲巡撫王儀總兵卻永選各營精銳五

十人、別立戰鋒五營、以廢棄將官領之、每軍額外加米五

斗、遂使各營虛耗、而又別取老弱步卒用充原數、及遇戰

陣、復自以親兵居後、反驅諸路兵為前蔽、用是士皆解體、

且坐營都指揮董暘、李塘前愆未贖、後復失律、宜正其罪、

并罷新委坐營官周塘、韓彬、楊鉞、而歸其兵于各營各路、

上曰、新立五營、戰鋒及多、增月糧俱是變亂兵制、即令